

1.

Nos vivâvan heureu seins histoîré,
N'aran tui bain dein cei biau paï
No no sein ca ba davou la Tena
Di adon pamei main de biau dzo

2.

Nos vivâvan heureu seins histoîré
N'aran tui bain dein cei biau paï
N'ein voulu hita d'amon la Tena
Di adon pamei main de biau dzo

3.

Damon la Tena, la ya_a l'é balla
Preeu de fein, preeu de bou, preeu de to
Sein souci, permié yeu, main d'étrandzo
Nion veeudreu déreindjé sous vesin

4.

Davou la Tena, l'é bain plhe balla
Preeu de fruite, preeu de vin, preeu de to
Amon-lei : des creusson, quaque râvé
To po feîré mouëri de tsagrin.

5.

Damon la Tena, les dzein son sâdzo
Son honeîto, et sâvon s'aidié
Tui dzoyeeu, dzamei main de tsincagne
E l'an to po se feîré amâ

6.

Davou la Tena, les dzein son sâdzo
Ne cognesson pas lous avoca
Bain rasau, bain veti ein demeindze
Martson dra quemein de vrai moncheu

7.

La bouegneu ne vain pas de la Tena
Ein son couë, fau sava le trova
Nos vivein dein na balla quemouëna } bis
Tsantein tui la biautau deeu paï